



RESOLUCIÓN POLA QUE SE AUTORIZA A AMPLIACIÓN DO PRAZO PARA A UTILIZACIÓN DE CORDAS DE CHICOTEIO NAS BATEAS DOS POLÍGONOS DE CULTIVO DO ÁMBITO DE COMPETENCIA DA XEFATURA TERRITORIAL DA CONSELLERÍA DO MAR NA CORUÑA

Antecedentes de feito

1. O 19 de xullo de 2023 a Federación de Asociacións de Mexilloeiros (FEMEX) solicita a ampliación do prazo para a utilización de cordas de chicoteio por un período de dous meses nas bateas de todos os polígonos de cultivo.

Manifesta que, por resolucións desta Consellería, o prazo de extracción en bancos naturais de semente de mexillón (mexilla) na campaña 2022-2023 foi modificado, retrasando a súa apertura e prorrogando o prazo establecido ata mediados de xuño. Tamén manifesta que o maior volume de recollida de mexilla tivo lugar entre os meses de abril e xuño, polo que motiva a necesidade da prórroga solicitada na necesidade de asegurar e homoxeneizar a produción.

2. O director xeral de Pesca, Acuicultura e Innovación Tecnolóxica, unha vez consultada a Comisión do mexillón, emite informe favorable o 27 de xullo de 2023.

Consideracións legais e técnicas

1. O Decreto 406/1996, do 7 de novembro, polo que se aproba o Regulamento de viveiros de cultivos mariños nas augas de Galicia, establece no artigo 35 que dende o 1 de decembro ata o 31 de xullo poderá realizarse chicoteio nas cordas de engorde, a fin de favorecer a homoxeneidade do produto e mellorar a súa calidade. Asemade, de forma excepcional, poderase modificar o dito prazo, mediante resolución motivada da Xefatura Territorial, cando fenómenos medioambientais excepcionais alteren o ciclo normal de reprodución da especie e, consecuentemente, modifiquen a época de fixación larvaria, repercutindo no período de extracción da semente.

2. O director xeral de Pesca, Acuicultura e Innovación Tecnolóxica, unha vez consultada a Comisión do Mexillón, emite informe o 27/07/2023 no que indica:

Xefatura Territorial da Coruña
Rúa Ramón y Cajal, 2 5º andar (Casa do Mar)
15006 A Coruña
Tel.: 981 182 000
xfaturaterritorial.mar.coruna@xunta.gal





“O período de extracción de mexilla establecido no artigo 37 do Decreto 406/1996, do 7 de novembro, polo que se aproba o Regulamento de viveiros de cultivos mariños nas augas de Galicia dende o 1 de decembro ata o 30 de abril, foi ampliado de forma extraordinaria ata o 23 de xuño de 2023.

De acordo con todo o indicado, e consultada a Comisión do Mexillón, a Dirección xeral de Pesca, Acuicultura e Innovación Tecnolóxica, non observa ningún inconveniente en que se amplíe o prazo para a utilización de cordas de chicoteo nas bateas de todos os polígonos de cultivo por un período de dous meses, sendo o último día do prazo concedido o 30/09/2023.”

Visto o exposto e ao abeiro das súas competencias, esta Xefatura Territorial,

RESOLVE

AMPLIAR o prazo para a utilización de cordas de chicoteo nas bateas dos polígonos de cultivo do ámbito territorial de competencia desta xefatura, por período de **DOUS MESES**, sendo o último día do prazo o **30/09/2023**, coas seguintes condicións:

- A talla media da semente de mexillón nas cordas ten que ser inferior a 4 cm medidos no eixo maior.
- A lonxitude máxima da corda sometida a chicoteo será a establecida para as cordas de engorde. En ningún caso poderá ser superior a da altura media da columna de auga, en baixamar equinoccial, correspondente a cuadrícula onde se localiza o viveiro.
- O número máximo de cordas simultáneas con técnica de chicoteo por batea non pode sobrepasar as duascentas.
- O chicote ten que ser de cor branca, cun máximo de 4 mm de diámetro, construído en cordón trenzado ou torcido, de PE (polietileno) ou algodón.
- Os titulares das concesións deberán facilitar os datos que sexan necesarios aos técnicos desta Consellería para levar a cabo un correcto seguimento do proceso.

Contra esta resolución, que non pon fin á vía administrativa, poderase interpoñer recurso de alzada no prazo dun mes ante o conselleiro do Mar, de conformidade co disposto nos artigos 121 e 122 da Lei 39/2015, do 1 de outubro, do procedemento administrativo común das administracións públicas.

A xefa Territorial de A Coruña

